

嘉慶甲子科山東鄉試錄序

嘉慶九年甲子七月五日奉

旨以臣承風充山東正考官臣鉞副之臣承風臣鉞



備直。

內廷例得具摺謝

恩乃於初六日與臣承風同蒙。

召見勤政殿

聖訓首以山東為鄒魯之邦當期國家得人為要臣等敬謹銘  
識不敢忘爰偕臣承風馳赴濟南扁試如例取士如類甄錄其  
言雅者恭呈

御覽臣謹綴言簡末臣伏念自古得人之盛無過山東蓋其地  
為齊魯舊區更有泰山東海之壯觀孔孟之時千里百里之賢

伏勝張生歐陽生田何中培生棘固生高堂生胡毋生大小夏  
侯氏匡衡何休鄭元顏師古孔穎達名臣則有韋賢韋元成于  
定國丙吉魏相羊祜李勣房元齡張齊賢王旦王曾孝行則有  
王祥王覽江革董永王裒忠義則有孔融卞壺顏杲卿真卿直  
亮則有汲黯朱雲張詠經濟則有劉晏馬周文學則有終軍禰  
衡王粲劉楨左思顏延之徐陵王融劉勰任昉唐宋以下殆不  
可悉數然皆人倫之軌範天下之楷模異鄉小儒尚知闢姓名  
而興起況生其間者抗希前哲宜何如奮發觀感也哉夫言為  
心聲制義特心聲之精者誠能發孔孟之奧蘊約六經而為文  
則言有物而行有恒且即於制義見之我。

國家累洽重熙培養深厚

皇上至誠無息孜孜不倦多士苟即文以見道求前言往行以  
蓄其德異日出為公卿施之政事以光我太平庶幾軼漢唐而  
上彬彬乎鄒魯之彥三代之英矣此臣等所願與多士爭自琢  
磨以期仰副我

皇上得人之厚望者也

南書房行走候補贊善臣黃鉞謹序

嘉慶丁卯科湖北鄉試錄序

嘉慶十二年丁卯六月十日禮臣以湖北鄉試考官請得  
旨命臣黃鉞臣葛方晉往臣鉞謹於十二日具摺謝

恩恭請。

訓示當蒙。

召見勤政殿

諭臣鉞以湖北大省頗有人才非雲貴廣西比汝宜加意臣鉞  
跪聆敬識不敢忘爰於二十五日偕臣方奇就道八月朔抵武  
昌初六日入闈維時監臨則臣章煦提調則臣張凱元監試則  
臣秦維嶽內監試則臣張性善臣鉞臣方晉率同考官同知臣  
賈鈞知州臣姜澍知縣臣張際熙臣王宗徽臣褚鳴曦臣徐必  
觀臣奚大壯臣任邵佑臣張家櫟臣吳蔭槐十人取學臣吳烜  
所錄士六千一百有奇卷各盡二十日心目之力合三場校閱  
之去取釐定殆無一卷未加墨筆者得正榜四十七人副榜九  
人於九月六日揭曉謹錄首選之文恭呈

御覽臣例得颺言簡端竊惟三楚之地長江制其區宇峻山帶  
其封域沃野千里有金城之固粵自二南被化下逮元明代有  
聞人我

朝文教肇興則臣劉子壯臣熊伯龍先被其。

澤至今制藝為士林模範誠如

聖諭惟楚有材非滇海黔西比也顧人數百倍中額選擇殊難  
因就臣等所見汰其茁軋不純者甄其帖括近理者雖未能燕  
雀衡平庶幾秀良無遺所願多士因文見道通經致用以仰副  
聖天子諄諄告誡之至意焉。

南書房行走 日講起居注官翰林院侍講臣黃鉞謹序

嘉慶癸酉科山東鄉試錄序

嘉慶十八年癸酉七月壬申臣鉞奉。

命為山東考官臣人鏡副之越日癸酉蒙。

恩召對勤政殿

上諭云海內文風以江浙為最盛次即山東故良材亦輩出往

者劉統勳父子其人也汝往慎之毋負朕命臣敬憶甲子歲臣副臣萬承風曾往裏試事蒙。

諭亦以為國家得人諄諄垂訓仰見我

皇上額俊苟求孜孜不懈之至意臣即至愚極陋敢不竭盡心目之力以期無負。

簡任耶顧惟自昔主司號稱得人者輒舉唐陸贄宋歐陽修謂其榜中有韓愈蘇軾蹟耳臣何人斯安敢妄希往哲然天地清明山川靈秀又重以。

國家醜化蒸洽教澤及人幾二百餘年即極之閩海以東蕙以西猶多逢掖弦誦之士况鄉魯之彥服習孔孟之教者哉故臣謂主司不必有陸贄歐陽修舉子不敢謂必無韓愈蘇軾也雖然臣何人斯顧即有韓愈蘇軾又豈荒落如臣所能必得哉

亦祇遵

聖人再三之訓與臣人鏡並力考閱擇其詞有體要者甄錄之以冀他日之或副所望而已臣猥以軀材薄植復以揭曉前二日荷蒙。

恩命補放山東學政職任愈重兢惕愈深惟有進十者一部未舉之士勤加訓課俾知爭自濯磨咏仁蹈德或備他日園橋觀聽雍容掄揚羣上太平之頌耳因遺其三場之文十數篇恭呈御覽臣謹拜手稽首颺言簡端。

南書房行走日講起居注官翰林院侍講學士今任山東提督學政臣黃錢謹序

嘉慶癸酉科山東武闈鄉試錄序

嘉慶十八年癸酉秋七月臣錢奉。

命為山東鄉試正考官既竣事復奉。

今視學山東九月幾望山東撫臣同與有事於曹州不使兼顧武閣請臬司臣劉大懿會同臣鉞校閱旋得

旨命臣鉞會同登州鎮臣富通辦理臣鉞乃於十月七日偕臣

富通赴演武場先試馬射次步射次弓石寅出申歸窮七日之

力注其中箭多寡與弓石之能挽強舉重者於冊汰其不合式

者二百餘人於十五日入貢院扁門默寫武經十六日辰刻揭

曉得士如額謹繕試錄呈。

覽因鉞例得颺言簡端臣惟射為六藝之一不敢諉為不知况

臣供職。

內廷每歲夏秋之間

皇上於御園出入賢良門校閱從園王大臣暨侍衛官員等步

射日數十人臣恭侍班末習見彊弓御矢中多中少雖不能洞

悉其微妙亦已目熟而心會久矣迨承

命視學山西歲試九府六州之武生童即以向所目熟心會者

甲乙其等第甄別其棄取殆未嘗不合也今蒙。

聖恩職司武科鄉試雖科名大小不同而技藝之精粗則一惟

謹與臣富通悉心商確而甄綜其得失以期無負。

委任焉雖然諸生生齊魯之邦習聞尚父穰苴之術業不患其

不精惟期自奮其知勇以勉為干城腹心之寄斯則。

感世儲材之至意也夫。

南書房行走內閣學士兼禮部侍郎提督山東全省學政臣黃鉞謹序

嘉慶丙子科順天鄉試錄序

嘉慶二十一年丙子科順天鄉試臣部以考官請八月六日得

旨以臣董誥為正考官臣黃鉞臣陸以莊副之臣鉞以江左下

士根蒙

聖恩自甲子至癸酉凡三出為鄉試考官茲又奉

命副順天大省。

恩深賀重惶遽無已當於。

午門叩頭謝。

恩訖即隨 臣誥同入棘闈檢閱試士名目為貝為滿為合為夾為承為南四北四中四為滿官合官南官列號者凡十有一統計外簾所進硃卷九千有奇合正副同考官二十一人心目之力自朝至暮廿有餘日得士二百三十八人謹擇其書文經藝詩策明通者十四首刊刻恭呈。

御覽 臣竊念京師為首善之區天下人才之所輻輳加以沐浴膏澤涵泳。

聖涯靡不爭自琢磨以思自見於世然高明之士或越準繩義理之文間參茁輒亦往往而有 臣等仰遵

皇上黜華崇實之訓恪守先正清真雅正之規固不敢以字句微疵輒行攢棄亦不敢以一藝偶合即為甄錄必綜三場合觀詞旨條達意議清通然後公訂其甲乙第于闈多玉抵鵲終防滄海有珠魚目或混則又臣等材質之所限不能保其必無者也惟洗濯此心公虛校閱以上答

聖人陶鑄羣材之至意云爾。

經筵講官禮部右侍郎 南書房行走 臣黃鉞謹序

道光壬午科順天鄉試錄序

道光二年壬午科順天鄉試八月六日禮 臣以考官請得

旨以 臣黃鉞為正考官 臣恩銘 臣韓文綺副之 臣學瑄荒蕪精

力襄鈍聞

命悚惶不知所措謹偕諸同事虛公校閱竭廿餘日心目之力得士二百四十六人擇其文詩經策之明通者彙刻恭呈。

御覽圖例得綴言簡端臣謹按今科應試之士凡八千八百八十八人所錄不及三十分之一其餘八千六百餘人盡落孫山之外棄璞遺珠在所必有然為貝為滿為合為夾為承為南北中西為滿官南官北官類十有一分別部居多寡不等臣等僅就十八房同考官所薦之卷校其文藝高下經策深淺以定甲乙竊惟言為心聲制執代聖賢立言即有跖弛之士孰敢顯悖聖經自立新義是以言取人亦夏夏乎其難之矣然而文筆艱深詞旨詭異人品醇疵亦未始不可因是而見昔歐陽修知貢舉時士子競尚險怪奇澀之文修痛抑之場屋之習從此

遂變文天祥舉進士對策集英殿考官王應麟奏曰是卷古誼若龜鑑忠肝如鐵石卒為忠臣非其明驗歟臣之愚昧烏足上方昔賢而區區不敢上負

皇上簡任之意下體多士赴舉之心惴惴慄慄朝夕不懈是則臣之愚誠以仰報

兩朝壘界持衡之恩遇焉爾。

經筵講官太子少保戶部尚書南書房行走軍機大臣臣黃鉞謹序

問易卦象備矣而說卦不言為魚或謂所言魚皆指巽乾為馬  
坤為牛屯有馬无乾離有牛无坤何義左氏以虞書為夏書或  
又謂之唐傳唐書何說岫夷傳云東表之地薛氏謂即登州地  
而傳又謂陽谷岫夷一也何解鄭康成箋詩多改字綠衣為綠  
是也能詳舉歟好速好仇皆以怨耦曰仇箋之義果通歟序哀  
窈窕哀當為衷然哀古訓為愛何不取歟月令夏小正淮南時  
則訓能辨其同異歟春秋用周正而金縢秋天熟君牙夏暑雨  
論語暮春者皆夏正能推廣其說歟多士生  
堯舜世居鄒魯邦昌即誦習紛紜者以對

問史至遷固尚已然詆其史之失自遷固始或譏其亘三千年  
之史籍踳踏於七八種書或又譏其淺近不學專事勦襲果可  
糾耶言者誕歟史記循吏傳幾人傳者何事邳都趙禹傳稱仇



直守正何以列之酷吏漢書酷吏與史畧同而循吏亦寥寥何也古今人表分以三科定以九等其言甚高何以陳亢林放中根與呂不韋燕太子丹輩並列中中而達巷黨人公孫丑反列上下果定論乎張晏劉知幾楊慎所譏果不誣乎因讀御批通鑑輯覽繼春秋之筆削擴遷固之拘墟誠千古讀史者之圭臬也諸生其明著得失於篇

問詩三百篇兩言至九言諸體已具而生民之詩爾雅以履帝武敏為句則款非一言乎他詩尚有類此者乎雅頌章句何篇為最多然不過百數十言而止後世五七言古詩有至二千餘言者何篇宋元以後擬作者何人李杜為漢魏以下詩人標準然優劣者何說昌黎極尊李杜至詆齊梁陳隋為蟬噪杜則頗有取於陰何庾鮑何也宋人喜言杜詩而注杜者無善本今所

存箋注者幾家我

皇上聖學日新

天章富有今春。

臨幸翰林院人。

賜

味餘書室全集一部復加九家集注杜詩一函近又彙成

御製詩初集嘉惠士林諸生沐浴

膏澤歌詠太平以期勉附

熙朝雅頌集之末不其盛哉

問春秋傳為左氏作王安石以為六國時人朱子謂左史倚相

之後故說楚事為詳或以為載晉楚事多與晉抑楚必非楚人又或分左氏左邱為二人然歟莊十年經始書荆書楚始於何

年經於荆楚多人之傳獨於楚武一再稱王何歟楚上卿為尹次為司馬亦有專稱尹者能詳其制歟雲夢載於禹貢周禮傳獨析言其地能指其疆域歟包茅不入杜注訓包為裹束尚書包匭青茅孔傳云包橘柚杜但云茅之為異而不及包何歟我

皇上熟精左傳綜覈二百四十年甲子列國名氏如數家珍御製詠左傳詩百首直與麟經並垂萬禩諸生伏讀深思曷即所聞者以對

問傳志之作所以備掌故也楚為南國名區山川人物代有著述習鑿齒襄陽耆舊記見於隋經籍志而唐藝文志記作傳其體例何從宗懔荆楚歲時記唐宋志皆作一卷通考作四卷孰是懔自序自元日至除日凡二十餘事今本實不止此何故余

知古渚宮故事上起鬻熊下迄李唐其宋齊以下五卷佚於何代吳從政襄沔記所采者何家李訖黃州圖經所據者何本段子游陳宇所拱圖經何地張孝曾富水志其書久佚惟京山縣志存郡志序一篇其古古安在三楚新錄分為三卷其所稱三楚何指劉宗襄陽志同輯者何人荆州記江陵記楚國先賢傳荆州先賢傳武昌先賢志襄陽故事江夏辨疑武昌土俗編著於何書作於誰氏其各詳舉之母闕漏焉

問離騷自漢武使淮南王安作章句繼者何人或輯為十六篇或勒為十七卷誰氏司馬遷謂與日月爭光班固以為露才揚已何說固又謂用羿澆二姚事與左氏不合或云固所云乃劉安說何證王逸序謂依託五經立義所指何辭朱子尋其辭義以配六義何解文選自騷經卜居漁父外九歌九章不錄者何

篇宋玉劉安揚雄皆有擬作而七與對問諸體何昉補註辨證者幾家疏其草木圖其實事者誰氏多士幸生

●唐虞之世鼓吹休明沐浴騷雅其績述其詞而詳言之

問史記循吏傳五人之中楚居其二通志於史記所載外有門伯比十餘人果楚產之多歟漢郭賀刺荆州胡烈守襄陽民皆歌詠之能述其辭歟揚震李固王寵劉昆政績卓卓能臚其事歟晉羊祜開設庠序陶侃勸民農桑不僅輕裘緩帶竹頭木屑也杜預熟精左傳劉宏手書丁寧故能望風歸命威行南服也能覈其實政歟唐呂諲尹江陵李惠登守隨州宋張詠知崇陽寇準知巴東陸九淵知荆門張栻知江陵以及元廉希憲周鏜明姚以德范理諸人皆有惠政及民能殫述之歟我皇上子惠元元

慎選民牧清和成理風俗敦厯多士於桑梓之地前賢治蹟知之素稔其悉陳之

問舟楫之利以濟不通服牛乘馬以利天下古者舟車蓋並重也而考工記何以無為舟之法月令季春命舟牧覆舟五覆五反而周禮何以無舟牧之官有兼其職者乎詩漢廣曰不可以思河廣曰一葦杭之毛傳云方泭也杭說文作杭亦云方舟然爾雅曰大夫方舟庶人乘泭說可通歟詩容刀傳餘皇書四載其他經所載能指數歟締繡見於詩而帆簟檣艫之名始於何時揚雄方言劉熙釋名張揖廣雅稱名也博取類也廣能悉舉歟江漢為梯航雲集之區重譯而朝

京師者舳舻相望疏所見湖亦儒者博物一端也

問史以鑑名者荀悅中鑒外論歷代事蹟司馬光通鑑為最著

篇宋玉劉安揚雄皆有擬作而七與對問諸體何昉補註辨證者幾家疏其草木圖其事實者誰氏多士幸生

●唐虞之世鼓吹休明沐浴騷雅其績述其詞而詳言之

問史記循吏傳五人之中楚居其二通志於史記所載外有門伯比十餘人果楚產之多歟漢郭賀刺荊州胡烈守襄陽民皆歌詠之能述其辭歟揚震李固王寵劉昆政績卓卓能臚其事歟晉羊祜開設庠序陶侃勸民農桑不僅輕裘緩帶竹頭木屑也杜預熟精左傳劉宏手書丁寧故能望風歸命威行南服也能覈其實政歟唐呂諲尹江陵李惠登守隨州宋張詠知崇陽寇準知巴東陸九淵知荆門張栻知江陵以及元廉希憲周鏜明姚以德范理諸人皆有惠政及民能殫述之歟我皇上子惠元元

慎選民牧清和咸理風俗敦厯多士於桑梓之地前賢治蹟知之素稔其悉陳之

問舟楫之利以濟不通服牛乘馬以利天下古者舟車蓋並重也而考工記何以無為舟之法月令季春命舟牧覆舟五覆五反而周禮何以無舟牧之官有兼其職者乎詩漢廣曰不可方思河廣曰一葦杭之毛傳云方泝也杭說文作杭亦云方舟然爾雅曰大夫方舟庶人乘泝說可通歟詩容刀傳餘皇書四載其他經所載能指數歟締縵見於詩而帆簟檣艣之名始於何時揚雄方言劉熙釋名張揖廣雅稱名也博取類也廣能悉舉歟江漢為梯航雲集之區重譯而朝

京師者舳舻相望所見聞亦儒者博物一端也

問史以鑑名者首悅中鑒外論歷代事蹟司馬光通鑑為最著

篇宋玉劉安揚雄皆有擬作而七與對問諸體何昉補註辨證者幾家疏其草木圖其事實者誰氏多士幸生

●唐虞之世鼓吹休明沐浴騷雅其績述其詞而詳言之

問史記循吏傳五人之中楚居其二通志於史記所載外有門伯比十餘人果楚產之多歟漢郭賀刺荊州胡烈守襄陽民皆歌詠之能述其辭歟揚震李固王寵劉昆政績卓卓能臚其事歟晉羊祜開設庠序陶侃勸民農桑不僅輕裘緩帶竹頭木屑也杜預熟精左傳劉宏手書丁寧故能望風歸命威行南服也能覈其實政歟唐呂諲尹江陵李惠登守隨州宋張詠知崇陽寇準知巴東陸九淵知荆門張栻知江陵以及元廉希憲周鏗明姚以德范理諸人皆有惠政及民能殫述之歟我皇上子惠元元

怨

慎選民牧清和咸理風俗敦厖多士於桑梓之地前賢治蹟知之素稔其悉陳之

問舟楫之利以濟不通服牛乘馬以利天下古者舟車蓋並重也而考工記何以無為舟之法月令季春命舟牧覆舟五覆五反而周禮何以無舟牧之官有兼其職者乎詩漢廣曰不可方思河廣曰一葦杭之毛傳云方泝也杭說文作杭亦云方舟然爾雅曰大夫方舟庶人乘泝說可通歟詩容刀傳餘皇書四載其他經所載能指數歟締縞見於詩而帆籟擣榜之名始於何時揚雄方言劉熙釋名張揖廣雅稱名也博取類也廣能悉舉歟江漢為梯航雲集之區重譯而朝

京師者舳舻相望疏所見聞亦儒者博物一端也

問史以鑑名者荀悅中鑒外論歷代事蹟司馬光通鑑為最著

論一代之事蹟范祖禹唐鑑為最良唐鑑一書論斷何似篇日何若注者何人刊於何日毀於何時讀者何議能詳言歟朱子始有微言後極稱道綱目書法亦仍其例能臚陳歟史論諸書有唐書備問唐史屬辭唐書直筆而石介亦有唐鑑五卷是非得失同歟異歟我

皇上萬幾餘暇。

御製讀通鑑紀事本末詩前後凡二百篇上自周秦下逮元明論斷謹嚴權衡至當近又。

將命儒臣倣祖禹之書纂輯明鑑俾天下萬世咸知法誠誠需史材之日矣諸生其各以所得著於篇

問通經必先識字而識字必本說文說文博引羣經經文訓詁何以與今不合且多未見傳世既久脫漏滋多其見於經典釋

文諸書而今本所無者何字可補注中謄字脫字及刪去長加者何所證定當時已有俗書見於何部今世所行類皆篆籀古文而說文本字或不能識何故古文各有專屬今文輒多替代何以斟酌近古李陽冰校定於前徐氏兄弟刊正於後說文已非完書何以復許氏之舊我

皇上深通小學校勘精嚴凡館臣經進諸書一覽便得誤字諸生可不精心討論以為他日校理祕文之用乎

問論語有魯齊古三家傳自何人篇次章句同異何在或號曰張侯論何說就魯論攷之齊古為注者何人集孔安國包張周諸人說為集解者誰氏復以集解去取為疏者何書鄭康成以下注者幾家其句讀異於今本見於經典釋文者何章何句孟子在漢文時已置博士其與論語同入經部何時趙岐注間用

韻語為章句王應麟困學紀聞猶引之今注疏中何以不存又有外書四篇何名其散見他書者何句為音義者何人大學中庸禮記之二篇編為四書者何始中庸說中庸講疏見於何書撰自何人大學唐以前無專注本書錄解題者錄在朱子以前者何書我。

國家昌明正學經籍道昌四書為諸生童蒙所首誦大義微言固一以程朱為宗旨而漢唐以來注疏古義具在亦當參互而攷證之其詳著於篇

問宋范祖禹撰唐鑑十二卷序稱上起高祖下終昭宣凡三百六篇今所刊本合乎唐二十帝甄錄太宗元宗德宗事實為多可鑑者何事不可鑑者何事其大畧可舉乎以武后臨朝廿有一年繫之中宗書帝在房州者幾年在東宮者幾年書為當時

所重後有謂其議論弱又有治人無治法之論為苟簡然乎史論為類最裸類乎唐鑑者何書能縷陳其目乎我

皇上全史詩評鑑精詳無幽不燭近又。

撰讀明臣奏議詩八十篇上並麟經筆削至當復。

命館臣依唐鑑采明史得失之迹纂為明鑑其事實體例有與唐鑑合者能敷陳一二以發其凡乎諸生讀史有素盍抒所聞問循吏傳史記五人前漢六人後漢十二人魏晉以降且數倍之材果盛於前耶作史者任情無例耶史遷言奉職循理可以為治何必威嚴故於孫叔敖但稱其秋冬勸民山采春夏以水各得其所便民皆樂其生而已而石奢縱父李離過殺何以亦廁於五人中耶班固稱漢世循吏自文翁董仲舒後至孝宣為盛豈以宣帝不數易太守吏民久服其教化耶然王成為膠東

相宣帝褒之有汎民自占八萬餘口之效後或言其偽自增加以蒙顯賞固因書曰是後俗吏多為虛名若矯飾廉節者自成啟之何耶范蔚宗稱建武永平間吏事深刻輒以謔言卑辭轉易守長自章和以後有善績者往往不絕然王渙政尚嚴猛何以與仇覽並列耶衛颯之居官如家劉寵之民不見吏即史遷所云奉職循理之效耶方今。

朝廷清明小廉大法又屢下。

詔諭澄敘官方誠范史所云推忠以及衆瘼自蠲也詎不懋哉問箴肇盤庚銘始大學古矣其他見於諸經者可縷述歟周書夏箴呂覽商箴漢志黃帝孔甲諸銘或存餘句或亡其辭何歟箴文從竹銘文從名意可指歟揚雄作二十五官箴其九箴亡缺增補者何人繼作者何篇目可詳列文可徵引歟晉有保傅

太師諸箴唐有大寶丹宸及尚書二十四司箴宋亦有大寶丹宸箴明有官箴三十五篇能悉數歟大戴丹書家語金人而後銘山銘器何者近古何者非禮能備舉歟我

皇上幾餘典學作箴訓誡百官內自宗人府至八旗都統外自督撫至提督凡二十六首又。

撰擬武王几杖諸銘十七篇所以

緝熙宥密而警惕官方者上接堯舜之心傳豈漢唐諸君徒事鋪揚所能企及哉

中華書局影印

問畫績之事肇於虞書盛於周禮益稷山龍華蟲孔傳以華象草華蟲為雉考工記注以鳥獸蛇謂即華蟲何歟火以圓象其形山以章水以龍注意似畫獐代山畫龍代水能疏通其義歟司常九旗畫者五能言其象所屬之義歟爾雅山海經詩草木



蟲魚古皆有圖今並不傳傳者聃氏三禮圖或又識其出於  
度然歟說命乃審厥象俾以形旁求于天下傳謂刻其形象既  
引皇甫謐云使百工寫其形象其圖像之始歟家語周明堂四  
門墉有堯舜之容王逸楚詞章句稱楚先王廟及公卿祠堂圖  
畫十七帖言漢講堂有三皇五帝以來畫洪适隸續武梁祠堂  
畫像自伏羲至義漿羊公合七十六人能述其原起而推廣言  
之歟我。

朝南薰殿所藏歷代聖君賢臣圖像冊軸七十餘件

皇上既題以

宸章又。

命載入石渠寶笈以垂永久所謂與六籍同功也畫績詎無益  
哉

### 庚辰會試策問

問漢儒說經音訓句讀各有師承易需卦之需有溱秀兩讀賁  
卦之賁有斑奔二音師丈人或作大人或以貞丈人為句尚書  
大誥不少延多士嚮于時夏或以少為句或以時為句微子發  
出狂史記狂作往我舊云刻子論衡刻作孩康成箋詩時有改  
字而胡不承權輿岐有夷之行見於漢晉人所引亦與今異禮  
記月令之還反呂覽經典釋文皆作還乃雜記孤須矣以下無  
某字投壺勝者立馬下無一馬從二馬五字論語必也射乎之  
必也好勇過我之過字不問馬之不字皆連上文讀如斯甚衆  
畧發其凡能一一疏證歟我

皇上歲舉經筵宣著

御論

禮記疏尚書左傳者詩書十篇爲類示天下經學昌明於斯爲

感多士其即所聞者以對

問釋奠釋菜文王世子疏熊氏言釋奠有六釋菜有三又周禮有非學釋奠者二儀禮工記有非學釋菜者四其說安在釋菜或作舍采或作舍萌或謂舞者持芬香之采或謂卿大夫子解釋盛服其義何從釋奠致恭於先聖釋菜告虔於先師先聖先師即周公孔子歟抑各有主名歟州縣立廟肇見何代夫子追諡起於何時自建武中車駕幸太學會博士論難後世間一舉行能疏陳歟嘉慶三年

皇上臨雍講學今歲上丁。

經筵又復。

親詣。

○文廟

○傳心殿致祭並

○詔明年上丁再舉

○臨雍盛典崇儒重道尊禮有加多士幸際

○昌期濟浴

勅運行將園橋觀聽當何如慶幸焉

問虞書敷奏以言太甲伊尹作書其後世奏事上書之始耶奏有奏事漢有封事有便宜行事封事有二封署其一曰副領尚書者先發其副封所言不善屏去不奏其後白去副封以防雍蔽者何人魏相好觀漢故事及便宜章奏上書條請施行者何人之言唐志有漢名臣奏隋志有魏名臣奏撰者誰氏魏徵十漸姚崇十事能疏其目歟陸贄有奏草中書奏草進於何時或

又名翰苑集勝子集何燉國朝名臣奏議宋趙汝愚纂倣其例  
為中興名臣奏議者何人明黃淮等編集歷代名臣奏議自商  
周至宋元分門別類搜羅甚富能言其槩歟夫呂午僅存一卷  
王恕多至三千彈劾之章易開朋黨經世之疏乃裨國家誠偽  
判然不可不辨我

皇上幾餘稽古取兩漢至明名臣奏議分題

著詩數百餘篇考鏡得失一秉大公洵千古是非之準萬世君  
臣之則也

問春秋左氏傳今用杜預注其在杜預前注者何人賈逵服虔  
之說猶有見於他書者歟鄭樵謂左氏未經杜氏之前凡幾家  
一經杜氏之後後人不能措一辭然歟杜氏經傳集解三十卷  
外復有春秋釋例十五卷其發明何義經典釋文載左傳杜預  
音三卷陸所釋者即其音歟或譏其棄經信傳或謂其不識蟲  
魚鳥獸草木之名當歟元趙汭有左氏補注其大旨安在今所  
行杜林合注乃明時杭州書坊取宋林堯叟左傳句解合而刊  
之實非杜匹然學僮入塾每苦注疏卷帙浩繁用作佔畢究非  
善本我

皇上欽定左傳讀本備錄經傳正文於前彙括先儒諸說於後  
字有異讀間發其音務使讀者義理明晰開卷了然其嘉惠士  
林至深切矣諸生盍抒所見以對

問史之有本紀自司馬遷始也裴松之以為本者繫其本系故曰本紀者理也統理衆事繫之年月故曰紀司馬貞則以為帝王書稱紀者言為後代綱紀也其說孰當裴又云天子稱本紀諸侯曰世家何以項羽亦稱本紀史既有秦本紀又有始皇本紀分而二之或以為示褒貶或以為別嬴呂然乎史記作呂后紀以惠帝時事附入漢書則列惠帝紀又列呂后紀義理孰正后紀肇於後漢書實本於史遷自是唐書亦為武后作紀歐陽脩以為不沒其實所以著其大惡果合於春秋之法乎三皇紀補自何人漢武紀出於誰手文筆果相稱乎夫體例固在所必嚴而功德務歸於覈實方今仁宗睿皇帝實錄將次告成

詔令館臣敬脩

本紀敘事美功垂法萬世載筆者當何如矜慎耶

問教養之相維久矣舜命契為司徒敬敷五教先之以播時百穀周官司徒掌邦教敷五典今攷其教民之官不過師氏保氏司諫司救而已其所謂教亦惟十有二教及三物五禮六樂耳豈所稱掌邦教者僅此歟且司徒一職半皆土地封疆之制豈先王之政詳於養而畧於教歟抑有恒產者有恒心徒善固不足為政歟豳風言風化之由孟子言王道之始亦不過使之家給人足孔子所謂富而後教道固如是乎古者建國以為民極極者大中至正之道所以齊民之心思以成風也然未有不始於體國經野者其良法精意可析陳歟

皇上敬以作所崇儉黜奢再三申誠屢為旗民籌畫生計至詳且盡行見農服先疇士食舊德炳焉與三代同風豈不盛哉

問覆試起於何時後漢黃瓊傳謂將以澄洗清濁覆實虛濫然  
乎唐制禮部考試畢送中書門下詳覆其後中廢知貢舉所放  
進士輒為人指摘有謂之子弟而重試者有試文合格物議以  
子弟非之勅令覆試者有實有詞藝為時所稱又以父兄見居  
重任不敢選取詔令考覆者立法未善乎有司不公乎宋御試  
有初考覆考詳定等官司馬光為覆考官有毡號試卷其言切  
直欲收入等初考以為不當論奏進呈乃降一等收之為國得  
人不當如是乎國家設科以待寒畯大臣子弟本不當與之競  
進然考校不厭精嚴而名實要求相副我。

朝試官既迴避其宗親而進士覆試又蒙

皇上親定甲乙弊絕風清舉唐宋之失皆無之誠試士之良法  
也

問爾雅訓釋五經辨章同異多識鳥獸草木之名博覽而不惑  
者也今所行者惟郭璞邢昺注疏通志所載爾雅分注解圖義  
四類解者幾家圖而贊者何人音訓者誰氏後復有小爾雅廣  
雅續爾雅蜀爾雅羌爾雅蕃爾雅石藥爾雅埤雅爾雅翼駢雅  
纂述何人體例何若孰得六經之旨孰詳百物之形揚雄方言  
劉熙釋名亦雅類也其所疏釋何義匡謬正俗羣經音辨其有  
裨於經訓者安在夫終軍見賞於豹鼠蔡謨致請於彭蜺一物  
不知儒者之恥諸生其即素所誦習者悉著於篇

朱蔚堂制藝序

鉞於時文了無解處雖以之通籍雅非所好假歸十年歷為紫陽六安敬敷山長目所接者無非時文蓋不下千萬篇矣譬如盲人之意路久而漸熟不特坦易不顛躓也即委巷之曲折細路之盤紆幾幾乎亦可無相而行然後知向之不解者乃真不解也蔚堂同年固鉞少率所數共試席者其為文一本經義茲刻其藁若干首寄示於鉞鉞讀而歎焉歎夫今之人自弄其長而文飾其短者之多也蔚堂本成宏正嘉之瀛為法科應舉之文不取艱澁以惑眾不務剽獲以自奇事非傳弗遣辭非經弗命彬彬乎文質之得中制藝之正則以之教成人小子皆有造也鉞於時文卽不解敢於經義而誣為不知邪斯真盲矣謹書數語以復之其有當於蔚堂之旨否

章天農安雅堂詩鈔序

鉞自乾隆己丑歲補學官弟子員即知采石章先生名顧家於蕪湖未嘗面焉壬辰癸巳間稍稍相見於郡城亦僅讀其所試文執而已自是以後奔走四方歸故鄉者蓋以日計并相見亦無因矣壬子秋吾友張解元肇煥主講翠螺書院歸舟泊蕪湖江上鉞往訪不值即蓬窗案上獲見先生詩一卷且讀且俟盡先生詩而張終未至始知先生固詩人也亦學人也翼日晤張備悉先生之學之富往來於胸中又十年嘉慶甲子夏先生來京師乃得盡讀其所作詩古文辭若干卷宿皆企慕之心始大快先生少遊於歸愚先生之門晚而詩學益進神明漢魏規矩三唐一以抒寫性靈為主視夫飲潘拾唾炫異矜奇以取寵當世者殆不啻舜跖之分東西施之判蓋此中有確乎不可拔者

在耳鉞老矣學詩幾四十年於道茫乎未有所得然使減損十餘年白衣操舟挾策過訪與先生行吟乎大江之瀕登眺於太白樓上情往興來縱酒高唱郭功甫而後或亦未肯多讓惜乎塵霧紫心韁鎖自縛微特於先生之詩無所商榷并向時所觀感思奮者亦疲於自棄無能為役矣讀先生之詩惟有媿生顏汗而已爰書歲月於後以誌交遊若謂序先生之詩則固未之盡也

裴學士謙竹溪詩草序

竹溪詩草古今體詩凡三百餘首太原裴君謙所著竹溪其

號也嘉慶己卯冬君弟隨裒集成帙乞鉞序之鉞與君先後出朱

文正公門下君為諸生時肄業晉陽書院文正公為山西藩司淡為

賞拔君旋以乾隆壬辰成進士入詞館鉞後君十九年庚戌通籍

嘉慶甲子以戶部主事改贊善又與君為後輩常相遇於文正公

邸第丁卯冬鉞奉命視學山西庚午受代還朝而君已歸道山君

體貌豐厚博學多能嘗聞文正公子錫經言其肄業書院時時過

藩署一日錫經與客方扶乩乩大書曰裴學士未矣而君適至自



後署中人皆戲以學士呼之然君登玉堂歷清秘躋躋數十年始  
於嘉慶乙丑歲洊升是職而君已病旋即告休竟符乩言抑亦奇  
矣君工書得趙集賢法甫脫手人競攫去以為模範詩則出入唐  
宋不名一體今所存者特其散佚之餘耳錢老矣交游零落筆墨  
荒蕪不足以讚揚前輩盛德喜君弟之能哀集遺稿以傳於世爰  
書數語歸之嘉慶己卯嘉平既望當塗黃鉞拜識

六安楊師洛讀易樓詩序

嘉慶丁巳戊午之間予為六安賡颺書院山長楊景曾兄  
弟四五人肄業院中皆能文有聲黌序景曾尤工書暇出  
其家藏法書名帖及前賢尺牘觀之中有竹垞先生與其  
曾大父師洛先生書稱許甚至曝書亭集所載白蘭谷天  
籟集序即為先生作也並知先生為堯峯高足弟子周標  
園姜鶴澗諸公皆先生文字交故所弄明末國初諸老  
書畫甚夥猶記有晚香堂右軍六十帖及曹娥護命經諸  
刻木本完好精緻因就其家手搦之衫裏皆黑同舍生多  
笑之今大廷尉介坪前輩景曾弟也時已舉於鄉亦輒相  
過從迨辛酉介坪成進士入翰林甲子予亦以戶部主事

改贊善例與介坪為後輩同官京師幾二十餘載日者介坪出先生遺稿謂予曰先曾大父著述及所刻前賢遺集散失殆盡今所存者僅讀易樓詩稿數種釐為四卷君知我先世詳其為我序之予授而卒讀嘆其筆情浩瀚才氣縱橫雖任華廬全馬異之倫未足方其排衆也集中微顯闡幽發揚節義之化居其過半惜一時唱和諸人第稱其字未能詳其里居然按其時世似皆明德之裔而未敢確指為某某子若孫也予老矣無能為役廷尉其博考之列為一編以附於後亦中州谷音之例可以不傳不朽也至先生出處詳廷尉跋中茲不復贅云

退滋堂詩集序

乾隆三十四年閒蕪湖風雅之士不下數十人若邵石堂未齋兩先生一門羣從沈靜人德修韋漢星天鼎吳秋岳華陳寶甫春華施景亭道光諸君是也其中天才卓越聲名鵲起者二人一為歙洪阮谿鑿一為祁門謝梅農登雋兩君年最少又中表兄弟謝長鉞七歲洪忘其年計長梅農不過數年耳鉞年十七文酒之會輒與其末後洪以癸未進士謁選得山東博山縣知縣遷東平州牧有惠政卒於官著梅綺省吾二集梅農與鉞居隔一巷晨夕過從蓋四三年戊戌入都以辛卯舉人補授國子學正京居還往又四五年尋出為宜昌同知軍功遷本郡太守攝黃州府事卒無子詩稿藏其婿王君處今所定退滋堂集是也太傅曹相國梅農居停舊交已作序欲梓而行之屬鉞校讎

一過為王君取去不果刻道光丙戌錢蒙 息予告歸里明年  
梅農姪孫駿生觀察亦以憂歸錢告以故駿生日是故舊折也  
即出付諸梓人梓人遷延踰年而後成錢復為校讎一再過其  
詩謹嚴有法自六朝三唐下逮蘓黃靡不咀其精華而不襲其  
粗迹早年之作尤得力於大謝殆今作者未能或之先也錢老  
矣荒陋無文不能寫宣其妙僅述其交游如此然猶幸忍死得  
見其集刻成目雖賢尚能手校其謬誤至再至三不異五十年  
前同居陋巷草閣一鐙商榷古今彼此送難時也故人有知當  
亦凌雲一笑矣爰書以復觀察昆仲

邵孺人六十壽序

未齋先生邵六歲受業師也先生為石翁姑夫之季養齋外舅  
之從弟故儀與先生分則師弟姻親又子姪行也兩家先皆饒  
裕比隣而居所謂息機軒俯翠樓者先生課誦地旁通成家可  
遊而偈焉及後兩家貧屋並鬻於人久之復賃所謂俯翠樓者  
與先生同居且十載時先生以優貢入成均居京數年矣孺人  
賢而有德一切閭政皆成所目覩今年夏孺人開六表先生書  
來命成為文以壽成雖不文其何敢辭孺人奉姑孝事夫敬和  
葉里慈卑幼戚黨中類能言之成請勿贅謹述其戚黨所共知  
莫能行者以為閨闕中師範焉先生贈公曩客於楚假陳某者  
千金可勿償矣贈公長者必書券與之逮先生已卅餘年矣陳  
之子曾一來索先生竭資奉之以去無何其妻朱又挾其女及

僕婦未嘗是時先生令子九思新入學賀客方盈庭孺人聞之  
即肅入具饌延之上座並慰勞其女及僕婦甚厚且為陳說家  
計一出于至誠朱感其意無一言及于道負意似悔其來者酒  
罷奉衾稠持燭送樓上宿孺人待其寢乃去是夜朱暴卒蓋朱  
亦良家女未慣風濤之險卒中耳白于官時燕湖丞某攝縣事  
未驗視見其家張燈會客疑為富者顧其女及僕婦大言曰若  
家虐汝主母否女及僕婦曰昨甫至邵孺人待至厚小人不  
敢  
冤人以冤主母丞喉之百端終始無異言丞語塞卒以無事於  
戲非孺人至誠感人而能如是子非孺人明于大義而能為此  
乎或嘗見世之婦女見有貸者至或闔戶拒之否即頽顏數之  
偶與錙銖又必口如布穀德色見于面及至積怒成禍累及夫  
子而其婦女反若無事者然於戲得孺人而教之可化其偏心  
矣先生自乾隆戊子入都至戊戌歲始歸孺人未嘗嘆于室及  
歸而先生四方縞紵之交日至孺人必為盛饌盡歡而散而先  
生固未知出自拔釵沽酒也今先生司訓會山而孺人之勤苦  
者如故蓋樂此不為疲也九思早食餼生子世法泉泉雖幼頗能讀  
書識難字易地不忘其所以奉孺人師母者福備壽考且未有艾  
謹錄其成所目覩者一二懿行以為世之婦女勸孺人其亦歡  
然進一觴耶

休寧甌山金氏族譜序

鉞自乾隆辛亥至甲寅凡四年為紫陽山長一登黃山再至休寧信宿桑原任氏觀魚於古城巖下搜兌卦之石撰白嶽之奇訪汪儀部梅鼎於梅林見其山水清遠人物秀挺所歷村莊瓦屋鱗次橋梁道路整齊光澤若圖畫然就中歸然而高者必宗祠焉歲時伏臘子孫奉祀惟謹譜牒雖百世不紊心竊慕之顧以未至甌山為憾記乾隆庚子辛丑之間在京師於汪閣學滋皖同年坐中曾識甌山金君是時舉舉少年也今鉞耄而昏塞忘其名字矣道光壬辰中春承金君錦榮以譜序見屬鉞雖老不敢以不文辭謹按

錦榮之言曰族本程氏元至元中世祖眉公自率  
口入贅甌山子以甥代舅補軍戍伍遂承其姓是為  
金氏如祖明翰林忠節公聲國朝侍郎公德瑛皆  
以官跡遠隔未遑修輯譜牒至其近支碩任公始創  
譜草德璣公繼之錦榮乃克成之五百餘年世次繁  
然具備其用心可謂勤矣錦榮誠不愧賢子孫哉然  
鉞常聞忠節公被逮時有蕪湖義僧海明隨至金陵  
為殮其骨歸休寧時余節愍元英吳節愍國楨同殉  
難閩人蕭倫武葬其骨於蕪湖歛人閔遵古為義僧海  
明建崇義庵於墓前道光八年鉞釀金重修並立忠  
節公木主於堂以祀或亦譜傳之軼事宜載歟  
日附錄  
予告太子少保戶部尚書在籍食俸當塗黃鉞謹序

### 孝子鄉記

道光乙未春二月鄉塾課藝有黃生洲文甚佳詢之為明侍御黃  
公讓裔孫翼日洲奉其家五代遺像暨孝子鄉碑搨本來謁像無  
標題絹素破裂不可辨碑亦模糊不能卒讀上巳日偕王子卿邵  
蘭泉吳適莊黃立方許小琴親至驛磯碑下摩挲僅乃得之碑為  
萬歷二十三年署太平府鄧一芝立其略曰邑生員孝子黃紹洛  
者父鉞虞城令而祖侍御公讓有忠直聲成化中縣令劉憲為建  
清風樓邱瓊山作記以美之鉞林下四十年遺痲痺疾溺便在牀  
其子紹洛晝夜侍牀下十餘年鄉里稱孝上其事於郡守郡守聞

之學道巡按給扁旌勸署府通判鄧一芝立碑於其里大書曰孝

子鄉按府志讓子瑞珍縣志失載列女有黃瓚妻奚氏為讓姪婦

貧而守志讓憐而養之瓚珍及瑞等名皆以玉為偏旁則誠非

讓子絡洛非其孫明矣碑稱而祖者統言之耳且讓景泰進士五年誠

嘉靖十二年選貢相去十年去立碑百四十年孝子當是

讓曾輩今驛磯旁多黃姓云是其後然皆鄉農譜又久燬

卽洲亦僅記去讓公十二世耳惟侍御節婦孝子三主尚祀佛殿

旁屋他皆不可考因訪清風樓故址僧言圮久矣其西偏有小閣去

因與諸君新之仍榻以清風移祀侍御節婦孝子僉以為宜碑為

萬曆乙未立至今道光乙未二百四十年縣志孝義祠有紹洛名

誤列於國朝人物志孝義無其傳恐更數年石泐無徵故備記

之余與立方皆祖江夏侍御亦系出左田同姓古所敦禮亦宜之

也余名與孝子父同避書字嫌觸也當塗黃井西記

之學道巡按給扁旌勸署府通判鄧一芝立碑於其里大書曰孝

子鄉按府志讓子瑞坊縣志失載列女有黃瓚妻奚氏為讓姪婦

貧而守志讓憐而養之瓚珍及瑞等名皆以玉為偏旁則鉞非

讓子絡嘉靖二十二年非其孫明矣碑稱而祖者統言之耳且讓景泰進士鉞

選貢相去十年去立碑百四十年孝子當是

讓曾輩今驛磯旁多黃姓云是其後然皆鄉農譜又久燬

卽洲亦僅記去讓公十二世耳惟侍御節婦孝子三主尚祀佛殿

旁屋他皆不可考因訪清風樓故址僧言圯久矣其西偏有小閣去故安

因與諸君新之仍榜以清風移祀侍御節婦孝子僉以為空碑為

萬曆乙未立至今道光乙未二百四十年縣志孝義祠有紹洛名

誤列於國朝人物志孝義無其傳恐更數年石泐無徵故備記

之余與立方皆祖江夏侍御亦系出左田同姓古所敦禮亦宜之

也余名與孝子父同避書字嫌觸也當塗黃井西記

少實讓產於夫事珍

嘉靖二十二年

選貢相去

十

年去立碑

百四十年

孝子

當是

曾輩

今驛磯旁多黃姓云是其後然皆鄉農譜又久燬

卽洲亦僅記去讓公十二世耳惟侍御節婦孝子三主尚祀佛殿

旁屋他皆不可考因訪清風樓故址僧言圯久矣其西偏有小閣

因與諸君新之仍榜以清風移祀侍御節婦孝子僉以為空碑為

萬曆乙未立至今道光乙未二百四十年縣志孝義祠有紹洛名

誤列於國朝人物志孝義無其傳恐更數年石泐無徵故備記

之余與立方皆祖江夏侍御亦系出左田同姓古所敦禮亦宜之

也余名與孝子父同避書字嫌觸也當塗黃井西記



豐備義倉記

義倉之建曷妨乎隋開皇中長孫平徵拜度支尚書見天下州縣多罹水旱百姓不給奏令民間每秋出粟麥一石已下貧富差等儲之閭巷以備凶年名曰義倉蓋豐則取之於民歉則捐以濟民誠良法也後世職之以官不以鄉人士君子行之以聚斂亟疾不以慘怛忠利為心此子朱子金華社倉記之所以歎也英湖瀕江湖一小縣耳田不滿三十萬疇田又占十之七道光癸未至癸巳十年三罹大水田盡浸沒民不能堪費公帶私錢不下數十萬民病未蘇而振者力竭鄉人憂之謀諸縣人有田而於義者客居土著得十四家買縣署西偏裁丞廩署勸建義倉有秋之年每家計已田一畝出穀二斤納倉歲可得六百石其好善樂施願附倉儲者聽主者籍而監之荒歲糶半留平

典常平社倉兩不相涉官吏借債子孫貧乏不得私動  
以備荒濟民而已倉屋南北各七間教分十二各標以字  
堂共六楹監收捐穀稽察出入旁有閒房庖廚則監司者祇令  
之地都計屋五十餘間木石之工八千有奇夫役之工三千有  
奇所有十四家姓名及一切規制別載於榮勒石嵌壁冀永久  
行之勿替毋忘長孫氏良法母為子朱子所歎焉耳經始於道  
光十四年四月辛丑落成於九月壬午日鄉人屬鉞志其事爰  
敘其顛末如此

賜進士出身

誥授光祿大夫

予告太子少保戶部尚書在籍食俸當塗黃鉞謹記並書

誥封一品夫人元配邵夫人行述

夫人姓邵氏祖籍徽之休寧高祖遷蕪湖遂為  
蕪湖人考諱廷佩捐職州同以子士鎰貴贈政  
和縣知縣妣汪安人贈公有五男二女夫人其  
最小偏憐者汪安人輒自奇之欲以妻快婿鉞  
之姑適邵石堂先生廷侃與贈公為從父兄弟  
外兄尹甫詳又鉞師也當是時鉞年十七尹甫婚  
安人未賀一見鉞即屬石翁以夫人許鉞為配

乾隆歲庚寅夫人年十九歸於錢家本素封  
先祖光祿公棄世中落然猶可給朝夕自先兄  
賈於漢陽盡折閱其貲乃不名一錢癸巳錢從  
學使朱竹君師游京師甲午試京兆不利乙未  
歸錢至無以為食夫人悉出嫁時衣飾鬻以助  
薪水之貲錢自是一以家事委之脫身走四方  
以謀衣食或間歲一歸或逾年而返夫人絕口  
不言家計客至具酒食咄嗟必辦先姊朱月一

歸寧必住十數日乃去夫人雖極窘飲食起居  
必求當其意去仍再三挽留不可乃止冬夏易  
衣而質暇則作鍼黹以贖事至復質仍屬質者  
不令錢知如是數十年嗚呼悲矣丙午江南大  
饑錢客京師夫人撫三子二女日一鬻飯相處  
甚歡絕無幾微困苦之色見於顏面親戚中有  
凍餓不能自存者稍稍周濟之一童奴已絕  
粒數日夫人日以米汁飲之復得活其慈愛有

如此者庚戌錢成進士觀政戶部是秋即乞假  
歸為紫陽六安敬敷書院山長者十年嘉慶庚  
申用薦入都蒙

仁宗特恩命直 懋勤殿甲子改官贊善入 南書房

時長子初民已娶婦生子長女贊壻於家外孫  
已數歲足民富民亦長成為中民少民娶婦次  
女出嫁又遭兄嫂之喪此數年中經營操作即  
健丈夫亦頗難之而夫人口不言勞處之裕如

嗚呼悲矣丁卯錢典試湖北旋被

命視學山西戊辰春乃由蕪湖迎至使署蓋不相見者  
十年矣庚午任滿還京師旋遣中民顧新婦之  
變又痘殤一孫一外孫三孫女情懷惡劣猶強  
顏歡笑恐觸 錢悲癸酉 錢再主山東試旋任山  
東學政又自京師至濟南明年 錢以戶侍內召  
復從濟南至京師以迄今日計中間開口而笑  
者僅使署年餘耳其餘傷心之事蓋無歲無之

嗚呼悲矣今年五月二十四日為夫人七十生  
日門下士方製屏為壽而夫人之病已不可為  
然猶冀少延日月俾南歸二子兩孫得畢場事  
不意迫不及待竟於六月十六日巳時溘然而  
逝享年七十自去冬始疾至今屬續無終時偃  
臥鉞直歸猶起立相待雖自知病不可治對子  
息亦無眷戀語以故無遺言其明達有男子所  
不及者嗚呼悲矣夫人卒之明日樞廷同直諸

公為鉞代奏蒙

部郎中趙光祿

恩遣軍機章京捧

上硃筆諭旨並克什一盤至臣寓撫慰臣鉞何人顧

以妻喪仰邀

存問非分

殊恩何以為報謹向上懇讀

諭旨一通夫人有靈當亦九拜聆之矣子五人初民

嘉慶辛酉科選拔貢生道光元年

恩廕工部營繕司員外郎中民監生捐職鹽場大使

挑取膳錄出嗣先兄 棠少民附監生足民附生  
富民康膳生女二人長適同縣監生唐光斗次  
適休寧鹽運知事吳文藻孫三人安桐安磐初  
民出安丙足民出夫人歸 錢五十二年南北奔  
馳莫或寧慮計相聚者不過二十餘年耳又 錢  
性狷隘飲食必清潔乃食 平居非夫人手烹不  
甘夫人亦奉事唯謹五十年中從無片語相觸  
背即今白髮相莊下直時猶手持茗椀以奉王

子卿太守壽其生日之文有云相敬若貴客者  
誠紀實也 待減獲無疾言遽色無論子女  
以是夫人之卒哭者無不失聲嗚呼悲矣謹序  
其生平以待當代立言之

大人先生採擇焉

首光紀元歲在辛巳六月下澣

魏期先

黃錢和淚述

凍雨賦 有序

乾隆歲戊戌夏六月旱暵不雨縣令凡三禱而不應尔  
雅曰暴雨謂之凍部注云今江東呼夏月暴雨為凍雨  
予江東人乃作凍雨賦以代庠序之辭云

赤日燥清渠涸畧約抽桔榨閭苗則槁雨不作詎師符師以及  
耕夫田婦萬井同聲額捐沙土虔祈哀籲而無一諾有臣蟻  
上請于帝帝方居清虛之中碧落之次與玉女為投壺之戲臣  
乃備言民艱汝然流涕舌散耳聾陳言說利帝乃一笑流光滿  
地可汝所奏救彼有事于是義和頓轡阿香修車雲師湧岫飄  
伯呈花平龍踐趾澤吻摩牙渡河之豕蝕月之墓十五五魚  
魚銜銜瑤輪赤霧紛列如麻崩恭竦命掩日韜霞尔乃庶職坐  
荒生疎已久雲密仍飛風狂尚吼鼓新布而雷雌雨在鱗而龍

走欲來不來如無如有書來怒而不洩萃萬靈而翹首先之  
五三六點連之以午未申酉然後澎湃傾盆喧飀拔木涌柱  
龍檐排銀竹屋撼虛舟階橫飛瀑暗室洞房昏黑須燭羌對語  
而不聞誤夕殮而難熟殿田上下一時霑足帝曰止哉衆迴其  
馭若崩厥角戰慄懼自今以後五日一風十日一雨以毋為  
民愆以櫻我之怒于時臣復叩頭流血感涕霑鬚詛師符師肅  
拜西東且曰臣等百奏而不應彼出一言而感通天乎不公帝  
曰無庸凡茲雨颯惟民德是從匪予之功汝惟視予以夢夢予  
是以不聰

五月披裘負薪賦以行高如此豈取遺金為韻

將季子兮曾聞來聘彼披裘子未詳氏姓值負薪而相遇於途  
顧遺金而攢取惟命不因人熱敢以五月而趨炎女濶我為豈  
為雙南而易行若夫勾吳貴胄濁世賢豪讓國則棄如散屣見  
金宜視等秋毫何擊目未忘乎棠棠斯反脣難免夫葦葦未同  
而言先生幸擬取以為壽相視而笑公子胡自居之太高披裘  
於足蹶然曰吾也負山而居帶月而鉏先春采蕨未秋薪携攬  
蒙茸而是御均炎涼而不除風月一肩取攜無盡斧斤在手揮  
霍紛如非關驟漲空江寒生草閣不是埋名大澤釣隱桐廬况  
復食力無多樂飢有以聊可與娛將焉用彼臨財則禮有前聞  
談道則夙曾笑士若以噤蹠之資飾我瓶罍之恥是何異善游  
於淵盜鐘而自掩其耳且來薪可易米若方欣於世



求而散裘不倩緜袍漫謂一寒至此矧夫公子抱質瓌奇吐詞  
雙疊友列國之英賢承賓庭之筐篚挂劍知生死之不渝聽樂  
識興亡之有違是弓楚符曾何繫以人為子收予求乃欲強之  
吾豈是羔物各有主我聞自古縱三品之具陳雖一毫而莫取  
比被褐而懷玉慙非其人嗤披沙而揀金羞與為伍殆外物而  
寒者不役不貪而珍奇莫覩也季子乃正容中敬避謝陳詞小  
子願聞其姓字先生勿遽爾棄遺公乃投繯不顧負擔而馳余  
山澤之懼將從此而逝矣子皮相之士又烏足以知之乃知韜  
光泉石晦迹山林禽巢務遠魚沈惟深願韞匱而為待沽之玉  
恥躍冶而為不祥之金試使裝以珠衣應不改乎此度即令焦  
於麗水終不易其初心是當書此高士之傳永奉為貪夫之箴

刑部直轄司至中孔廣原  
聖聖七十七代孫靜吾先生墓誌銘

嘉慶十八年癸酉秋錢再奉。

命為山東鄉試正考官闈中於第三房得四氏學卷一時文經策皆推瞻可觀遂以第八人魁其房四氏學例中三人榜發三人者皆孔氏昭薰昭焜繼執已而昭焜來謁詢昭薰則榜前奔父喪京師矣因知昭薰為靜吾比部子然余與比部同官京師未始相見第惜不能忍數日死見其子之獲雋也明年春昭薰謁余於濟南試院平甫冠容止舉舉殊不凡夏錢奉。

命還朝冬十一月昭薰持狀自曲阜來乞誌其墓誌曰君諱廣廉字季直靜吾其號也太子少師襲封衍聖公謚恭懿諱毓圻君曾祖也襲封衍聖公諱傳鐸君祖也乾隆戊子科舉人內閣中書諱繼洙君考也乾隆丁卯科舉人戶部主事諱繼汾君本生考也中書君歿無子以君為之後君幼聰敏好讀書奉母至太宜人至孝未敢一日遠離太宜人歿嘉慶戊午歲始援例為刑部主事夙夜在公罔敢少懈奉派秋讞多所平反嘗語同官曰凡獄未得其情恐其不死既得其情恐其不生一時歎為仁人之言壬戌克一會典館纂脩官庚午補直隸司主事。

單恩加一級一會典館議叙加二級。

誥授奉直大夫例晉朝議大夫君考中書君海內所稱玉虹樓主人也所刻法帖行世家夥其未竟者鑑真二種皆君足成之君仲兄廣森通儒所稱驛軒先生也所著公羊通義大戴記補注諸書君悉為校刻王大宜人之姪繼澄聘妻某羈留甘肅君廉得其耗迎至曲阜俾完娶焉官刑部時每歲冬施囚衣百領皆取新絮自製務使囚衣而暖其慈祥豈弟如此君生於乾隆三十三年十一月二十九日卒於嘉慶十八年八月二十日年四十有六配李宜人子五人昭薰昭炅昭炳昭蓋李宜人出次昭蒸側室某出以某年月日葬君於某原銘曰  
年卅六官主事於戲孔君竟以死於戲孔君曷嘗死有父有兄有令子